

Yungzsuij: Son Hawj Mehmbwk Rox Dinfwngz Bonjsaeh Ak

8 nyied 28 hauh, Yungzsuij Myauzcuz Swciyen Nungzcunh Nungzyez Giz youq dieg senjdieg bang gungz Myauzgyah Siujcin gawjbanh aen yizsiz haibanh ban sonlien nungzminz. 80 lai boux mehmbwk minzcuz vunz noix Myauz、Yauz、Dung daengj minzcuz daj giz senjdieg daeuj haenx yaek camgya sonlien 15 ngoenz, aeu hag dajsiuq、ginghyingz guenjieix、nungzyez swngheanj ciuhneix daengj ciennieb sonlien. Aen ban neix dwg aeu son hawj gyoengq mehmbwk neix ndaej rox dinfwngz bonjsaeh ak, bangrengz duetgungz gunggeng caeuq saenqhwnj lajmbanj.

Ndaw doz dwg gyoengq mehmbwk youq ndaw ban hag dinfwngz.

(Lungz Linzci/龙林智)



Haihag Ngoenz Nduj, 20 Boux Lwghag Yauzvaqhau Ndaej Vunz Bangcoengh



▲ Gyoengq hagseng hwnjdaiz lingx ngaenzciengj.

coengh doegsaw. Ciuq cam rox, Vangzsang Siujyoz dwg 2019 nienz guh baenz, dwg aen yienh neix “cien ranz Yauzcai · fanh hoh Yauzyangh” senjdieg banggungz liyouz haifat boiqdaug laebguh hanghmoeg. Hagdangz seizneix miz 29 aen ban, daih' iek miz 1300 boux lwghag, dwg aen hagdangz hawj gyoengq lwghag ranz gungzhoj Yauzvaqhau youq hagdangz ninzyouq he.

(Fuz Lungzgyangz Cinez Yisenh/符龙强 覃玉先)

Huqdoj Gai Ok Rungh Ndaw Mbanj Ndaej Canh Ngaenz

8 nyied 26 hauh, huqdoj Denzyangz Gih Bahbez Yangh Runghlangj Cunh youh ok rungh lo, baez huqdoj neix gungh gai baenz hab soengqlaex 6000 faenh, nohmou doj 500 gaen, nohcwz 300 gaen, cienzbouh dwg gai hawj Gvangjsih Gihcangz Gvanljij Cizdonz aen danhvei banghcoengh aen cunh de haenx, gij huq dij 52 fanh maenz, cunh cizdij gingheci ndaej canh 11 fanh maenz baedaug.

Ndaw doz dwg boux vunzgoeng cingq caengh nohcwz yaek suék ndei gai ok rungh bae.

(Luz Siulingz Hoz Bingboh)

Yungzanh Lai Cungj Huqlajmbanj youq Gvangjcouh Nungzgyauhvei Baij Gai

8 nyied 28 hauh, 2020 nienz Gvangj-dungh Gvangjsih Banggungz Doxhab Siuhfei Banggungz Doiqciep Hozdung caeuq Daih 18 Gaiq Gvangjsih Mingz Dwz Youh Nungzcanjbinj (Gvangjcouh) Gyauhyivei youq Gvangjdungh Dunghsihbu Fuzbinz Doxhab Canjbinj Gyauhyi Haw-ciengz haimuq, lienndaemh sam ngoenz guh gyonjcomz langhbaij siugai、huqlajmbanj densangh liuzdoeng、muengx hoengz cigboq doigvangq bang cawx daengj hozdung. Gvangjsih Senhcaujdangz Ceih Yw Youjhan Cwzyin Gunghshw daengj seiq aen gunghshw caeuq hozcozse dawz mak-gamgaet、naedgamgaet、gaugamgaet daengj cib lai cungj daegsack huqlajmbanj bang-gungz bae baijgai, ciuyinx baenz gyoengq baenz gyoengq boubhek haeujsim yawjnaek.

Ndaw doz dwg boux hek mbwk ndeu

riuyubyub dawz makgamgaet caeuq sau minzcuz vunznoix Yungzanh hab'ingj.

(Cinz Ginghoz/覃庆和)



Mbanjmyauz Lungzswng Nyaengq Dak Manh

8 nyied 28 hauh, youq Lungzswng Gak Cuz Swciyen Veij-gyangh Yangh Sinhcai Cunh, vunzmbanj youq naj ranz laeng ranz dak lwgmanh.

Bineix, Veij-gyangh Yangh ndaem 400 lai moux lwgmanh haenx gig fungsou, gyoengq vunz Myauzcuz ciengj-ca ngoenz ndit ndei, dawz lwgmanh daengz naj ranz laeng ranz dak sau, ndaw mbanj dauqcawq hoengzgywgywg, dak manh dak ok fuk doz gyaundeideu.



▲ Mehmbwk youq gwnz dakcueng dak lwgmanh.

(Vuz Swngbhin Yangz Diz/吴生斌 阳迪)